

Խօ՛շ եար, արեւո՛ւղ համար, որբո՛ւկ եմ. զիս մի՛ լացըներ.
Տըղայ եմ, չեմ ի կենար, զիս ի քո կրակըն մի՛ ձըգեր:

ԿԲ.

Խօ՛շ եար, դու հերիք արա՛, քո սիրուղ հոգիս կու քակի.
Արե՛կ յայլ աշխարհ երթանք, այս աշխարհ մեզի չըպիտի.
Երթանք յայլ աշխարհ կենանք, որ անվախ կենանք ալանի.
Քանի՛ տեղս ահով կենանք ու դողանք թե ի՞նչ կու լինի:

ԿԳ.

Քան գտերն այլ քաղցրիկ պըտուղ ի յաշխարհս չաւտամ թե լինի.
Շեքերըն նըռով շաւղած, մօտ ի սերն է դառն ու լեղի:
Ըզհամք ալ առի ես այլ, սիրոյ տեր եղայ հետ քեզի.
Սերդ ալ իմ սըրտիս դու տուր, քո սիրուղ եմ ճորտ ու գերի:

ԿԴ.

Յոգե՛կ, թե տայիր տեսթուր, որ գծոցիկդ ի յետ բանայի,
Չծոցիկդ ալ պաղ անեի, տեսթուրով ի ներս մըտնեի,
Երդուի, երդում տայի, անտեսթուր ի դուրս չըզայի.
Այն ի՞նչ անհաւատ գըրօղ, զիս ի քո ծոցուղ գայ տանի:

ԿԵ.

Կանա՛նչ ու կարմիր ամիս, մի՛թե մա՛յրըն չեր բերեր զիս.
Իբեր սիրոյ տեր արաւ, այս քաղքիս՝ այս հմնաւիրիս:
Երկու երիկ կու սիրեմ, երկուսին սիրտըն կ՛ուզե զիս,
Պըզտիկն «առաւել՛» կ՛ասե, մեծն ասե «Արե՛կ մօտ ի յիս»:

ԵՐԿՐՈՐԴ ՏԱՂԱՇԱՐՔ

Ա.

Դու ծառ ես նարընջենի, – քեզ հազար անուն կու պիտի, –
Որ մեկն է ի հասք եկեր, մեկ ծաղկեր, մեկ դեռ, կու ծաղկի:
Դու բարձր ես բերդի նըման, հաւ ի քոյ վերայ չանցընի:
Ոսկի կայ ի քոյ միջին, ոսկերիչն ի ներս կու բանի.
Ճառայ ոսկերչին լինիմ որ զոսկին ի բան կու տանի:

Բ.

Ես աչք ու դուն լուս, հոգի՛, առանց լուս աչքըն խաւարի,